

百名家詩選

小引

魏子曰周量程先生以壬辰榜首屈授郎署天下爭惜之其文章鳴一時義俠高千古天下又爭羨之夫一人之身惜之羨之變幻俄頃悠悠道路之口豈顧問哉其所以群然宗之絕無異辭者則其詩耳丁戊之際余寓白門得先生佳什登詩持二三集中業已借光紙貴近復得八家詩于五鹿多先生長安之作拔其尤者先付剞劂適聞先生有出守桂林之命喜與觀察孔

公言曰甚矣天之巧于置詩人也蜀中山水奇
鬱險峭以居少陵道州山水澹遠幽邃以居次
山金陵山水秀而深宏而肆太白牧之輩居之
各資其形勝以抒厥性靈今粵之西地接滇黔
出荆襄者皆侈爲奇觀先生新擁五馬憑陵其
間冥搜山澣當必有以發其奧而抉其幽者此
豈君相之權所能司智力之優所可倖哉天殆
欲神而明之待其人而畀耳余喜八閩兩粵山
川人物縱橫萬里柳子厚蘇子瞻輩皆得力其

中先生家其東而官其西進而討論咏歌之以
睦我隣封郵筒商確不知天下之惜之羨之者
又作何如觀也故因黃進士美中行寄先生一
笑焉

百名家詩選

福清魏憲惟度輯選

曲阜孔胤樾心一 舍山李衷燦梅邨

新昌毛達錦來 錢塘葉雷生蓉菴 叅

程可則 字周量號湴榛南海人

隴頭水 二曲

隴頭流水其聲湯湯念彼征人飲馬道旁秦山
間之何時故鄉

隴頭流水其流不竭北風朝號層冰夜裂十步

九迴羊腸淚血不有死生敢傷離別

潮涉隴頭永暮涉隴頭水隴頭不斷流秦川去
何已北風僵馬毛寒冰割肌髓身爲軍國役心
逐疆場死丈夫自有行安能戀妻子

青溪小姑娘曲

青溪水如練小姑娘情婉嬾願因溪水清照郎意
淺淺

采菱曲

采菱采菱溪水淨笑插菱花照溪影香風雜還

羅衣冷羅衣冷棹遲遲折芳馨遺所思

朝雲曲

巫山之高雲千尺張樂陽臺宴行客美人珊珊
不可卽不可卽空徘徊巫山高何時來

冰車行

泥滑滑車簌簌長河積冰已成陸八尺柔絲穿
地軸輪轅不用三十六易舟以輿輿不脫輓大
車小車不如冰車速泥活活車齟齬安車負重
無颺塵昔謂獨漉篇水涖能殺人大車小車不

如水車仁嗚呼公無渡河公今渡河蛟龍旣蟄
得過且過安能大地無顏波適彼四海平且和

古風四首

威鳳誕靈姿其羽爲文章生當明盛世可以鳴
朝陽所遭未得時斂翮悲摧藏恥與燕雀伍差
爭鷄鶩梁穀梧桐枝日夕凌風霜吾德苟未
衰安用接輿傷

南國有佳人獨立好顏色十三習圖史十五工
文織寂寞守空閨秋風聞太息草木旣已落羅

統爲誰飾良夜鳴孤琴音響何惻惻朝見池中禽
倦彼雙棲翼

羅浮紫煙客高卧鍊橋東日對碧流水時聽萬
壑松雲霞間日月炯炯羅心胃舉手謝時人泪
汨泥途中行隨大化盡飄若風飛蓬何如廣成
子相將乘赤龍

孟嘗雖好客終不如田橫鐘鼓豈足貴饌玉非
交情橫奉洛陽書二客要之行屬徒五百人蹈
海羣相爭出關者何爲狗盜而鷄鳴養士各有

報所見在死生

徐州道中

我家南山陽委懷在槃澗時與漁樵遊坐弄孤
雲晚一朝駕衡輶飄飄逐征雁陰雨渡河橋巖
霜踐荒阪賴有古人跡觸景姿流盼不嗟行路
難所惜歲云晏

舟晚

空翠明遠岑斜陽淡孤渚微波滉漾間輕舟自
容與秋色從西來蒼然滿平楚仰視天際禽矯

矯空中舉此時山水心誰知在羈旅

彈子磯

彈子磯彈子磯行人歲暮今且歸寒風颭颭吹
我衣天荒地老南岡陞黃巢一去海水飛至今
野人猶刺譏奸雄遺臭將何爲君不見磯頭之
下鯉魚肥煙蓑往還無是非

銅鼓歌金公絢宅作

主人玩物有奇尚銅鼓石琴兩相向琴聲泠然
高出雲鼓色斑斑勢難狀革形金面三尺餘土

花駁蝕花扶疎中藏太極不盈寸六十四卦紛
熒如琉璃線刻鴛鴦起波濤影靜蛟龍死摩挲
蚪蚪有雙頭髮髯熊羆無兩耳不知鼓制始何
代或曰諸獠與交趾蠻鄉此物以爲俗鑄成置
酒招鄰屋豪家子弟金銀釵醉擊華堂聲陸續
晉書諸獠并鑄銅爲鼓初成懸庭中置酒招同
類有富豪子弟來者執金銀釵扣鼓釵竟遺主
人名納鼓釵漢家老將伏波軍收作驂駟獻紫宸至
尊含笑親歎賞詔置宣德稱奇珍漢書伏波征交趾得騶越
銅鼓改鑄馬式上一自滄田變今古天下瑰瓊
之節置宣德殿門

復誰覩銀箏玳甲總飛塵玉馬銅駝亦黃土此
鼓獨聞闐倚君花檻邊小扣已令鬼神懼大扣
將使鼙宮蛟室夜半爭皇然鼓兮鼓兮我欲以
碑礪爲懸珊瑚作簾仍學馬援貢天子大聲逢
逢振邊鄙漁陽之鞞何爲爾

安陵驛

歸路知何極斜陽且繫舩落霞明古驛秋水滿
前川茅店碓初動漁舟火漸懸無人問羈旅愁
絕向江天

舟晚

迴舟轉清澳落日照前岑
水濶一帆遠雲歸衆
嶺陰蟲聲喧別浦人語靜
空林寂寞河干客悠
悠行路心

送朱舜音子臯還錫山

四月暑還輕南舩正好行
惠風隨雨過江芷帶
潮生送爾脊令去其如雲
樹情夕陽聞折柳淒
切不成聲

舟次同張玉叔作

媿我獨何事隨君亦遠行
褰衣向劍水扶藥去
秋城草木霜初落
關河漲未清不因朋侶在何
以慰宵征

凌江雨中朱漣生竹菴同過

故山猶在日去路幾時休
看竹雲藏寺攜琴客
到樓微涼高館久長嘯
大江秋不擬張平子蒼
茫詠四愁

寄賈孚遠

自我還珠浦花飛又見新
山川記行役風雨隔

伊人只作離歌慣何曾遠夢頻
虔南有香草采采爲誰春

送談蘧懷學博之海南

知己已晨星離歌此復聽
當杯見楊柳立馬在津亭
鬢入天隅白氈歸海角
青風濤春正穩珍重到南溟

虞山宿邵無盡山房

雲鎖諸峰峰影愁若爲遷客起離憂
黃花欲盡霜初落白酒新成凍已浮
鳳脰螭殘聞過雁麝

煤香冷。畏登樓。珠江夜有懷人夢。錦字誰傳到石頭。

與山品閒雲。二上人宿劉漢三山房。因懷一靈在廬山。

村邊地僻幽。樓穩方外人。攜逸興。除清塵。不妨浮竹葉。殘枰相與落燈花。風過隔院聞鶯細。雨歇長林上月斜。遙憶虎溪鐘定後。何人輕駕白牛車。

登南安東山寺

日日登樓望翠微，捫蘿今始到山扉。
白雲引迳鶴孤往，碧水當門花亂飛。
草長不迷樵子路，樹高猶掛老僧衣。
遲迴日暮疎鐘起，月出西風尚未歸。

度雙牌峽

虔州南上路巔峴，忽到雙牌水氣昏。
帆向夕陽爭鳥道，天留孤壑峙江門。
沿洄百折灘聲急，明滅千峰樹影繁。
谷口似聞鷄犬喚，人家疑是武陵源。

題畫

春水碧于煙平田綠如織空舟不見人沈寥天一色

淮上別沈大

楚水連天路杳冥送君南浦柳猶青不知後夜樓頭月多少離思向洞庭

黃塘二首

路入黃塘夕照陰平沙漠漠獨行吟鄉關日暮空回首一道嵐光隔水深

題老將騎馬圖

一騎平沙大漠風，據鞍誰識伏波雄。
平生白草黃雲意，猶在蕭蕭落日中。

泰和謁楊文貞祠

二楊自昔規模遠，道氣如公更可師。
不見諸軍平漢日，獨存孤趙論功時。
羣言幾奪天王眷，片語能全叔父私。
今日豐碑猶在眼，更無蘋藻薦荒碑。

鄱陽湖望廬山因懷天然老宿須識行人

水繞匡廬面面峰晚煙搖漾玉芙蓉杯間瀑布
三千丈谷口明霞一萬重雪嶺夜深誰控鶴石
堂舟遠忽聞鐘白蓮舊社勞相憶寒月蕭蕭不
可從

儲潭廟

古廟依孤嶼靈潭控上游雲霞藏洞壑歲月老
松楸四壁蛟龍氣中天鳥雀愁翁河今有頌不
必戒沉牛

汨羅望三閭大夫廟

辛苦江潭日飄零問卜居靈修終不悟芳草總
愁予浩蕩思公子嬋媛泣女嬃空令薦蘋芷長
對楚江漁

蕭灘夜泊

方舟夜泊蕭灘宿疎雨霏霏響林木鸚鵡洲前
葉正紅梧桐秋盡陰猶綠煙水微茫滯去津隔
舟頻聽越人吟嶺雲江樹三千里驛路霜飛寒
色侵

送一靈上人歸羅浮

羅浮仙窟宅四百玉芙蓉
吾子今歸去棲遲第
幾峰雲霞天半落鸞鶴
夜波逢何日攜筇去同
看萬壑松

題孫北海先生退谷山房

太行山不斷遙接鳳城
鹵合沓千峰出逶迤一
逕遶亭臺無遠近雲水
與高低隨意春風起飄
飄信杖藜

劉公猷至彈琴

閉門理幽獨日落空齋
陰客子此時至青天鳴

素琴松風生萬籟人語靜疎林不復知城市悠然山水心

送魏子存司李成都

誰說蠶桑不易行春風三月馬蹄輕銅梁舊枕秦山險玉壘新連楚塞平芳草綠齊過漢水杜鵑紅盡到綿城知君篋底多詞賦諭蜀文應似長卿

荔枝詞二首

盡抱冰心護紫統琵琶洲上火雲團疑從玉露

分仙掌不羨朱櫻賜上闌

劈破天漿貢祝融
蕊珠宮是水晶宮
漢王不下唐羌詔
驛路長兼候火紅

紀載之少叅水樓晚集

水郭開芳宴
津樓對晚晴
樹深微雨過
風暖野花生
隔浦浮春氣
連天落雁聲
不辭歸騎暮
燈火啟重城

七星巖宿暢公禪房

已是幽人宅
還兼山水靈
霽湖澄野綠
絕壁削

空青猿鳥隨高下煙花各杳冥
夜溪還說法應有鬼神聽

彭澤訪秦覲文令君不遇同師聲上人登

北山

江上尋朋與願違還從淨侶叩山扉
樓臺百尺虛空住花雨一簾高下飛
遠岫影看全楚入數帆人指小孤微
摩崖更剔蒼苔讀坐遍雲松未擬歸

七夕同震生芝五竹菴苦子端上作

年年七夕長離憂
今夕山城對舊遊
仍是客途逢過雁
不應良夜望牽牛
蕭疎短砌蟲聲急
寂歷空庭樹影秋
我欲檠檯問星漢
澹雲斜月故悠悠

不信佳期事宛然
天邊消息許誰傳
黃姑一去無來日
烏鵲重飛動隔年
人世別離宵夢裏
客心零落早秋前
何當滿酌如澠酒
共對南樓夜不眠

送和公芝五用喈後復枉見過留宿戢山

草堂分賦

昨折津頭楊柳枝已拚離恨向江湄何因却對
寒山月又得同啣濁酒卮燈火一龕如夢到雲
峰千疊暫行遲與君不寐聆宵柝鼓打潮聲是
別時

登滕王閣

帝子風流久杳然尚餘飛閣枕江天千年作賦
人如昨一夕登樓事已傳終古落霞連去鷺清
秋孤客獨鳴舷悲高悵望生遙思惟見西山起

暮煙

出湖口入江書所見

客路今揚子江光霽見聞水兼彭蠡濶山與郢
黃分風細魚吹沫天空雁赴羣人家煙渚外漁
網白紛紛

出蕪關望赭山識舟亭憶舊遊

兩日關邊滯去程隔江頻聽棹歌聲識舟亭上
寒山月猶記當年載酒行

任丘旅舍讀陶詩有感

朔風一何駛百里陰塵高疲馬饑不行僕夫前
告勞停驂止山郭澹然絕勞歔展卷懷故人歧
彼徵士陶一歌飲酒篇再詠斜川謠冲襟何放
曠達化達塵囂始悟齊物理世榮非所邀
我昔過彭澤山水懷清風雖無五柳存湖光盪
人胸簪組不足羨棄之如飄蓬伊余苦物役蹢
躅將焉窮不如歸南山耕鑿安吾躬

題畫

島樹何蒼茫煙雲自舒卷略約度迴溪松關隱

遙巘盈盈山水間空翠杳難辨漁村數茅屋迢
遙隔半阪豈少忘機人於中事遊行我欲往從
之悠然芳草遠

送家立菴學士冊封安南

自昔南交地蠻煙萬里餘地經義叔宅人習素
王書秬鬯分藩舊苴茅錫命初須令知漢大不
必問金車

此地論征戰中朝幾變更遙聞伏波將始拔大
羅城勾嶺花迎珮蘇江雨洗兵千秋銅柱在突



兀海雲平

爲項犀水題倦鳥亭冊字

豈有垂天翼而爲繞樹棲
閑情寄林樾小築傍
雲溪嶰舍宜江北漁菴卽瀼西
只愁援鶴夢不穩向輪蹄

寄樓賢石鑑大師

六年不見廬山面却向廬山憶我師
萬壑樹聲鳴磬後四圍山色捲簾時
放叅定許溪雲入下食頻教谷鳥窺
更愛玉淵潭上水獨看清影少

人知

送毛錦來假歸江西二首

汾水初回使者車
何當病渴似相如
知君不爲朝叅嬾
愛向廬山讀道書

斫取琅玕百尺青
新詩落手不曾停
如今大笑清江上
唱與魚龍五夜聽

懷姜鐵夫

易水秋風不可聞
蕭蕭寒渚雁無羣
思君今夜焚香處
九子峰前禮白雲

西山歸王十一貽上以詩見訊喜有此答
幾日名山取次登勞君相訊白雲層分明記得
桃花路不向人間說武陵

君是金門大隱身輞川詩畫卧遊頻何如萬壑
千峰裏穩作青鞋布襪人

送陳其年遊梁

商氣日衆經嚴飈散高秋浮雲漸消歇易水行
不流節序旣多感送遠增綢繆豈不念歲寒蘭
芷萎道周人生不適志去住難爲謀坐令千里

道遠目生離憂

君有徑寸珠竝抱連城壁一身爲光輝可以照
四國胡爲逐征雁飛飛不遑息風雲當自致結
交慎所擇史侯富文藻意氣流胸臆駕言從之
遊古歡亮無斁

遙遙汴京雲莽莽夷門道侯羸不再來信陵亦
荒草天地方悠悠川原漫漫浩浩君行幸弩力修
名以爲寶母爲長相思相思令人老

送何不偕歸粵

來是尋歡去是愁若爲相見長離憂十旬朔雪
三更榻一日春風萬里舟京國不如鄉國好故
人那爲遠人畱空持白社青山夢與爾同過叱
馭樓

長安春望

東風何事只徘徊望遠當春自可哀倚樹每愁
花落去登樓不見燕歸來鏡中髣髴逐京塵改夢
更舟從粵客回昨夜青郊有離別教人無那獨
銜杯

書張伯明先生忠烈詩卷後

先生諱國助字伯明湖廣黃陂人也明
崇禎丙子爲應城司訓本年十月流寇
圍應城先生率民兵死守三閱月城中
食盡遂陷先生城頭具衣冠北向拜還
守類宮賊剛入將焚類宮先生厲聲罵
賊抱先師本主哭之慟忽反風滅火廟
上殷殷若雷聲賊執先生斷其左臂罵
益烈賊支解先生舉合室投巨燄中十
二月初十日也時先生子文學世祐年
方十五逃出走蒲陽過雲夢澤截左指
血書告城隍夜夢黃冠神拊曰遊子不
須頻問信堤陽煙柳送春多遂孤身詣
闕陳情愍帝嘉之贈將仕郎國子監學
正友人楊子鄂川爲錄其事以傳予惟
司訓秩甚卑無守土責當賊薄城下先
生可去而以死守守卒死死又甚烈視

（卷之三）
同時大將或降或遁何霄壤也書
此以志憑弔兼示令子公望云

千古睢陽烈悠悠復應城斯文慙後死吾道見
先生俎豆爲軍旅旂常足姓名至今餘浩氣日
夜遶南荆

盜賊悲前代驅除豈異人將軍無衛霍博士有
君臣報國心何苦承師道更屯所欽還令子涕
淚上楓宸

同門沈繹堂副使屢奉 詔旨入對寵賚
有加詩以美之

每入深宮到夕曛受恩誰復得如君御香衣袖
尋常惹天語絲綸次第聞宣室自應陳賈
甘泉真愧薦雄文從今身似紅樓燕來往丹霄
傷五雲

施愚山初至都門王西樵阮亭兄弟招同
荔裳顧菴繹堂小集限初字

薄涼殘暑立秋初宛水先生昨駐車遂有弟兄
敦宿好轉因樽酒憶離居疎簾密坐斜陽外短
劍長歌細雨餘白首故交情自切西窗頻過復

何如

吳漁山爲余傲營丘早雪圖歌以贈之

漁山山人不出山
竭來燕市仍鍵關
含毫潑墨自怡悅
爲我披豁開心顏
鵝溪一幅營丘似
積素凝寒半江水
殘條拂地凍欲僵
有客孤舟去如駛
蘆葉蕭蕭風亂飛
千山寒色兼斜暉
此翁掉頭頗解事
天地已閉人當歸
不然訪戴意亦適
歲寒蘭芷應須惜
多謝山人冰雪心
挂帆好向羅浮宅

送施愚山游嵩山分得高字


涼秋復新霽爽籟生林皋側望西山岑百里明
纖毫苦爲物役牽未得恣遊遨夫子負奇懷山
水恒相遭論文躋日觀秉節臨江濤茲來踏春
明屏跡辭喧囂手攜綠玉策嘯傲凌嵩高嵩高
何巍巍背洛襟函嶠乾坤界其中風雨爲之交
三臺架絕頂四樹森危條石牀已千載突兀畱
山坳君其暢玉趾攀陟偕猿猱道逢浮丘公鸞
鶴從所招人生不百年散髮當自豪嗤彼向子

平還爲婚嫁勞因君羨此遊不寐懷中宵

自獲鹿至井陘一路崇山峻嶺車馬遄迥
村舍參差人影上下盱水恣其怒號殘
雪被於陵阪移情竟日輒爾忘疲達核
桃園宿焉

晨出石邑門行行不數里崇巒當我前欲往昧
所指忽然仄逕通驟入幽岩裏蜿蜒只一線方
駕不容軌右臨絕壑溪左踞崩崖毀居民四五
家穴石參差倚殘雪皚未消枯林老欲死雖乏

康衢騁亦有危途喜竟日移我情側身圖畫似
明發過故園又看巉巖始平生丘壑心於此亦
足矣何必尋五嶽坐待婚嫁已



程滄祿
卷之三

十

沈江

小引

魏子曰曩余訪崆峒計百周先生司李虔州中
丞佟夫子嘖嘖稱先生有經濟才余心志之迨
選詩持于白下夫子復出先生詩見貽嘖嘖稱
先生且兼風雅焉余心又志之適蜀中張又益
人晉先生方擁五馬余以一帙奉寄非敢曰毋
忘風雨也見中丞之于計百深矣近以敝車入
都暫憇五鹿春眠方曉有持邸報來者曰晉陽
守且高尚矣疏入承明其允也余驚起徘徊廡

下曰其古者急流勇退人歟以彼經濟之才何
所不可而毅然若是恐廩延玉柱之間談風雅
者又多一主盟矣亟取其詩讀之氣雄以厚味
永而雋詞雅而敷時以其長歌短詠之懷寫其
憫時憂俗之意以眎世之山高水長石隱千秋
者殊不侔也何以遂賦歸來也因取大易爲之
筮爲初得潛再得晉三得无妄乃端策拂龜復
驚起徘徊廡下曰其得之矣見天心矣先生其
雖乎不可拔也守初筮焉可也

詩選

福清魏憲惟度輯選

嘉善柯聳岸初大治余國柱仝廬

叅

泰州張幼學詞臣華亭吳懋謙六益

周令樹

字計百延津人

征婦嘆

青青陌上柳灼灼堤上華皎皎天上月鳴鳴枝
上鴉良人戍金微千里黃雲遮豈不懷紅顏蕩
子樂無家塞上秋風高饗士夜鳴笳游人悲故

鄉番休況及瓜宮中聞賜衣或恐戀龍沙

青樓怨

青樓誰家女窈窕出南州自言好顏色秋水上
雙眸結髮歸夫婿夫婿白且修堂上列姬媵廡
中餘舞駟華筵張七夕雙雙笑牽牛一朝兵渡
江鐵馬嘶沙洲黃雲起西北赤日照戈矛軍令
赦紅顏倉皇易臂講逐隊據花韉千里任沉浮
深聞聞我來詰語聲嘲啁將軍問我來戲指衾
與綢同儕聞我來悲喜各含愁相顧色慘澹知

我委青樓豈不惜傾城主人愛明珠

渡漳水

怒馬誰家少年子揮鞭爭渡漳河水手挽烏號
開高臺舟人指點說香履臺上主人安在哉日
夜河流蛟龍厯碧甃鴛瓦埋廣野少年落淚發
清哀少季何須悲千古英雄從來一坏土魏武
虎視營八極寧知大物屬典午揚颿競渡客停
車應是五侯七貴家古岸月明行人盡萬樹垂
楊噪饑鴉

寄周煉師師善琴

道人駕鶴大伾峰扶筇古洞飼老龍道人採藥
夷山麓手誅白茅自結屋屋近前朝紫禁城鳳
喙麟角煮雲英肯携綠綺叫青冥雲旗霓裳夜
吹笙我今燕市瞻北斗閱盡白雲變蒼狗谷口
鐵鑠垂百丈莫教虎蹲驚人走

東禱文衣司城文衣曾叅軍齊越

金門曉曉漏不作帝城看騷雅安千里山川隱
一宮樹經秦代古月度海天寒半醉歌燕市風

塵拂馬鞍

七月朔值先嚴初度

風木仍千里河山遂九秋可憐空客夢不得到
荒丘米戶獨黃卷青衫自白頭當年筵上月夜
夜照松楸

贈吳門周遂閑布衣

六代繁華地多君太古心
琴迎玄鶴舞笛亂老龍吟
短劍風霜落孤筇日月侵
悲歌燕市冷一顧愧知音

經靖難駐師處

百戰餘荒壘群鴉噪夕陽山河同日月社稷異
興亾不是謀臣死難言殺運張金陵王氣盡文
子祀高皇

秋日送錦帆先生歸里

買酒空王殿西風起別筵黃花明故里白雁帶
長天去國遙依友爲郎尚草玄書空成往事策
馬踏秋煙

送曹容菴司李懷慶

梁月吳江夢鶯花漢苑春又成千里別各重百
年身虛牖來青嶺輕舟動白蘋河陽風俗古長
嘯下天津

送彭燕文司李汝寧

握手文章伯秋風澹暮煙山鳴千木落月濶一
帆懸遠水朝梁苑高雲蹴楚天莫言同作吏咫尺
武陵船

懷歲寒老人孫鍾元徵士

秋靜蘇門夜孤雲翼草亭驚泉奔石吼落日杖

藜聽天地餘遺老干戈足一經玉繩明歷歷獨
望少微星

潞王墳

策馬前王墓蒼茫龍虎形壑深一水回天近萬
山青風雨精靈集松楸象兕肩年來中使去碧
瓦坐流螢

題畫

乾坤不可極尺練起滄洲旭日浮元氣高天下
亂流蒼茫沒島嶼浩瀚失龍鰐四海生平志堪

從壁上求

岳忠武廟

高秋古廟陣雲多
血戰勤王事若何
揚纛幾年
鳴鐵騎班師一夜
吊銅駝檻盤老樹
流青影雨歇
長河捲日波
痛飲黃龍成往事
碑陰苔滿賀
蘭歌

秋日都門送李雲襄還汴

黃花白雁塞雲愁
落日征衫控紫驄
濁酒長歌
易水月華輪回首
薊門秋千尋塢
影煙中出萬

里河聲天上流春半聞君裁錦字有人遠望幾
登樓

讀張譙明都諫斗齋詩

曉漏鳴珂夜色殘鳳凰池上湧文瀾懷人淚落
白狼遠吊古風高石馬寒山國秋雲客裏度江
天煙雨夢中看檢來諫草頻燒燭月照奚囊露
未闌

送戚价人之安定任

三載離群嘆一天薰風無賴促花鶯香山樹斷

迷燕關函谷雲開渡渭川此日雕龍空北斗他
季驄馬重西偏驅車秦漢興亾地懷古應勞托
錦箋

讀同人送李龍袞季天中詩

萬里秋風老客星明妃墓草晚來青君恩不靳
新燕月臣罪猶親舊沛亭河近白狼沙浩浩雲
迷玄菟雨溟溟夢中抗疏尋歸路鴨綠狂濤插
翠屏

挽僉憲郭裕九先生

朔風短劍別孤城
曳杖歌傳客夢驚
白簡他年悲後死
青燈此夜哭先生
嵩峰秋老麒麟卧
洛浦天高鴻雁鳴
萬里招魂何處是
九原明月落松聲

送余敬庵司李開封

千里夷山秋色中
朱幃皁蓋映青驄
高風半捲河聲壯
旭日遙懸堦影紅
豺虎盡啼秦寇壘
蛟龍夜浴宋王宮
清光直上梁園月
好向長安照轉蓬

汴藩懷古

百褶煙痕障錦霞
蕭條昔日帝王家
波腥龍孕池中子
雲黑風飛殿上沙
枯竹走篴穿恠石
朽簾行蔓鎖殘葭
六宮歌舞今何在
月下頻傳斷續蛙

絲柳廊

夾道陰雲十里長
黃塵赤日午風涼
故園今亦栽千樹
空自經年夢草堂

長安月

酒對長安月色新
長安月送雁聲頻
園中亦看
長安月不見長安月下人

郊外別親友北發

一曲驪歌黯客魂
荒郊遮莫倒離樽
祇今馬首
夕陽下夢入白雲何處村

懷鄧元昭太史

幾載長安逐馬塵
牙樯桂棹下蘭津
溪頭盡日
松風落吹送漁磯月影新

因孫棐臣寄曹石霞

南雲萬里隔瀟湘
雁度衡陽碧水長
聞道桃花紅樹樹
夢隨小艇問漁郎

江岸閒步

落日風沙際孤村
三五家衣冠隨意
創雞犬向人譁
流水門前住青山
逕外斜漁郎艤舟
處恐有白雲遮

觀奕

相角因何事空傳
國手名羸輸亦偶
爾白黑故分明
不覺群情妬那堪
世眼驚天邊雲影
重鴻

鵲自縱橫

東湖同翟湛持巫巒稗張逢伯陳伯璣汎

舟

小艇夕陽下湖光亂碧霄微官堪縱酒狂客自
吹簫往事今安在古人不可招相傳全盛目歌
舞起中宵

此地乘舟客寥寥二十年千峰青近郭群鷺白
遙天沙渚橋初補禪房壁未全杏花樓下水晚
棹尚悠哉

同吳六益遊忘歸巖

久識忘歸路茲遊心倍閒
秋聲吹大壑落木滿空山
地僻藏猿女林喧出峒蠻
殷勤吳季重相對破愁顏